

Tàk-ke hó, guá sī tài-tāi tài-gí siā ē siā-uân, khóo gē-tsuân, kin-á-jit beh lâi kâ tàk-ke hun-hióng guá òh tài-gí 1 tang í-lâi ē 1 kuá king-giām, koh ũ tuè tsit-leh king-giām tshut-huat, guá tuì "sin kok-ka ũn-tōng" ē siūnn-huat.

Guán tau ē pān-sè sī án-ne : guán pē-bú in ka-tī ē kóng tài-gí, m̄-koh in lóng kâ guá kóng huā-gí. sóo-tì--leh, guá kàu tài-hák 2 nî tsìn-tsing, tài-gí sī kan-na ē-hiáng thiann, kóng sī bē hiáu kóng. nā-sī thiann tài-gí ē ián-káng mā-sī ē thiann-bô.

Kū-nī hioh-juah ē sī-tsūn, guá tsiah khai-sí teh òh tài-gí, mā bān-bān-á khai-sí ē kâ ping-iú kóng tài-gí. nā-sī kóng kâ hit-khuán tài-gí kap guá kâng-khuán bô hó ē lāng kóng, kī-sit bô siánn-mih ap-lik, m̄-koh kap tài-gí pí guá hó ē lāng kóng, guá tiòh ē tsiok kín-tiunn--ê, pún-lâi ē-hiáu--ê piàn-tsó bē-hiáu, tō ē sing kâ tsit-leh sū ē tài-gí siūnn hó tsiah kóng tshut-lâi, bô huat-tōo tsū-jian ē siūnn siánn tiòh kóng siánn. Guá tng-khì tshù khai-sí ē kâ pē-bú, a-má kóng tài-gí, mā tiānn tiānn ē hōo in kiú-tsing tó-uī kóng m̄-tiòh--khì, ũ tong-sí-á sī guá í-king siūnn hó beh kóng siánn--ah, m̄-koh kóng tshut tshuē ē sī khó-ling kín-tiunn, tiòh ē kóng kah tshàu-ling-tai án-ne.

Sui-jian sī án-ne, guá iah-sī kè-siok kóng, mā in-uī teh òh tài-gí sīk-sāi tsiok tsē tuì tài-gí mā ũ ì-sik ē lāng, huān-sè tiòh ē tī bīn-tsheh, tī facebook tng-bīn khuānn tiòh tsiok tsē tài-gí ē bīn-tsiunn. mā sīk-sāi tsiok tsē ē tài-gí kua kap tài-gí ē sió-suat.

Suà-lòh-lâi, ũ 1 kang guá huat-hiān guá khí-tshng liáu ē tē 1 kù uē, guá kâ guá ē siá-iú, guá ē roommate kóng ē tē 1 kù uē sī tài-gí. Sīm-tsi guá í-king ē bô kuān-si kâ i kóng huā-gí--ah.

Guá kám-kak kóng, tú khai-sí teh òh tài-gí ē sī-tsūn, nā tú-tiòh tài-gí tsiok hó, koh bô sīk-sāi ē lāng, tsin-tsiānn kan-na tú-tiòh guā-kok lāng, kan-na sī kóng guā-kok gí. tshiūnn kóng lng-gí hiān-hiān tàk-kang lóng teh tàk, tsin-tsiānn tú-tiòh guā-kok-lāng ē sī-tsūn mā sī ē kiann, ài ũ tsit kuá sī-kan tsuān-uānn kong-uē ē bô-sik. Tse kap kóng tài-gí ē tsōng-hóng ũ tām-pòh-á siōng.

Tong-jian, siū tiòh sin-khu-pinn tsiah-nī tsē kóng tài-gí ē iú-tsi, koh ũ tsiah-nī tsē kóng tài-gí, tshiūnn tài-gí, siá tài-gí ē lāng ē pang-tsān, guá tsit-má í-king buē kám-kak tài-gí sī guā-kok-gí--ah, tī tài-būn-siā lāi-bīn, guán tē 1 pái khui-huē kóng tài-gí mā ē khē-khē, tsit-má í-king kám-kak tsiānn tsū-jian--ah. Sīm-tsi sī guá khi tsē ko-thih ē sī-tsūn, kap pat-lāng kóng tài-gí, i m̄ng guá nā ē tài-gí tsiah hó, kám-sī tī kok guā tuā-hàn. i kám-kak kóng tī kok-lāi ē siàu-liān-lāng sī khah buē-hiáu kóng tài-gí--ê.

Tsit kiānn tài-tsi tiòh hōo guá tuì sin-kok-ka ũn-tōng ũ 1 ē siūnn-huat--ah.

Guán ng-bāng sin kok-ka, a kok-ka ē ki-tshóo sī 1 ē huat-lùt ē kiōng-tōng thé, huat-lùt sī lán kiōng-tōng sing-uah ē kui-tsik, huat-lùt ē ki-tshóo--ah, sī lán kiōng-tōng lóng kah-i ē sing-uah hong-sik. huat-lùt sī uī-tiòh beh sīt-hiān lán ng-bāng ē, hōo-siong sīng-jīn--ê, hōo-siong kah-i ē sing-uah hong-sik, sóo-í lán tsè-tsō tshut-lâi khng-tī hia ē 1--ê mih-kiānn. Kok-ka ē ki-tshóo sī tsit-ê mih-kiānn, m̄-koh lāng tsiah sī lāng, m̄-sī mih-kiānn, tàk-lāng lóng ài ē sing-uah-hong-sik tsiah sī lán ē bók-piau, huat-lùt sī lán sīt-hiān tsit-ê bók-piau ē tshiú-uānn--niā.

Lán ng-bāng sin kok-ka, bô sīng-jīn tiong-huā-bīn-kok, iú-uī tiong-huā bīn-kok ē hiān-huat m̄-sī lán ka-tī kuat-tīng ē, tiong-huā-bīn-kok ē sing-uah hong-sik, tàk tiong-kok ē tsheh, tàk tiong-kok ē lik-sú, tse m̄-sī lán kah-i sing-uah hong-sik.

Tsóng-sī, lán ũ 1 kang ē tàn-tiāu tiong-huā-bīn-kok ē hiān-huat, kâ i phah-phuà, tse-sī tsiok kú-tng ē lōo, koh beh tsiok kú ē sī-kan, bô iàu-kín, lán ē-sái tshuē tiòh ũ kâng-khuán siūnn-huat ē iú-tsi, sīt-hiān lán lóng kah-i ē kiōng-tōng sing-uah, tiòh-sī sin kok-ka ē lāi-hām. Lám tsit-má tiòh ài tshuē iú-tsi lâi tshòng-tsō sin kok-ka ē lāi-hām.

To-siā tàk-ke, guá kóng kau tsia suah.